

मार्निंग डोगरी न्यूज़ बुलेटिन, समे. 09-20 Hrs

<><><><><><>

Headlines

- भारती चुनां आयोग जम्मू कश्मीर च विधानसभा चुनाएं लेई तैआरिएं दा अज्ज जायजा लैता जाग।
- केन्द्री मंत्री गजेन्द्र सिंह शेखावत होरें आखेआ ऐ जे जम्मू कश्मीर दिऐं लोकप्रिय सैलानी थाहरें पर मता रश होने दे चलदे हुन नमीं सैलानी थाहरां विकसित कीता जाना अत्त जरूरी ऐ।
- केन्द्री खजाना मंत्री होरें कल संसद च जम्मू कश्मीर लेई कयाफा बिल पेश कीता।
- श्री अमरनाथ जी दी यात्रा दरान श्रद्धालुएं दी गिनतरी 5 लक्ख दे आंकड़े गी पार करी गई ऐ। 1100 श्रद्धालुएं दा नमां जत्था जम्मू थमां अज्ज घाटी लेई रवाना।
- पैरिस ओलंपिक्स च अज्ज रातीं नीरज चापेड़ा नेजा सुट्टने दे मकाबले च अपने विश्व विजेता दे खिताब गी सुरक्षत रखने लेई मैदान च उतरगंन। भारती हॉकी टीम कैह दे तगमे लेई स्पेन कन्नै मैच खेडडोग।

<><><><><><>

Election Commission

भारत दे मुख् चुनां आयुक्त राजीव कुमार ते चुनां कमीशनर ज्ञानेश कुमार ते डॉ. सुखबीर सिंह संघु होर अज्ज जम्मू कश्मीर दे दौरे पर आवा'रदे न। इस दरान ओह जम्मू कश्मीर च विधानसभा चुनां सरबंधी तैआरिएं दा जायजा लैगन। जम्मू कश्मीर च पिछले 6 ब'रें थमां कोई बी चुनी दी सरकार नेई ऐ। चुनां आयोग दी टीम अज्ज बडलै 10 बजे श्रीनगर पुज्जोग ते बक्ख-बक्ख सियासी पार्टिएं दे नुमायंदें कन्नै गल्लबात करोग। जम्मू कश्मीर दे मुख् चुनां अधिकारी पी.के.पोले होरें दस्सेआ जे आयोग प्रदेश ते राष्ट्रीय पंजीकृत बक्ख-बक्ख सियासी पार्टिएं दे नुमायंदे कन्नै मलाटी करोग। एहदे मगरा उंदा डिप्टी कमीशनरें ते एसएसपीएं कन्नै मलाटी लाने दा कार्यक्रम ऐ। मगरा एह दल चुनां अधिकारी, प्रदेश पुलस, नोडल अफसर ते केन्द्रीय नीम फौजी बलें दे अफसरें कन्नै मलाटी करियै चुनां सरबंधी तैआरिएं दा जायजा लैग। आयोग मुख् सचिव अटल चुल्लू ते पुलस महानिदेशक आर.आर.स्वैन हुंदे कन्नै रातीं 9 बजे मलाटी करोग।

जेहूदे मगरा एह दल जम्मू लेई रवाना होग। जम्मू च बी कनून नाफिज करोआने सरबंधी बक्ख-बक्ख अजेसिएं कन्नै मलाटी करोग। इत्थे एह दस्सना लाजमी ऐ जे सुप्रीम कोर्ट नै पिछले बरे हिदायत कीती ही जे जम्मू कश्मीर च विधानसभा चुनां इस बरे 30 सितम्बर थमां पैहले-पैहले करोआए जान।

<><><><><><>

FM-J&K Bills

खजाना मंत्री निर्मला सीतारमण होरें कल राज्यसभा च कयाफा बिल 2024 पेश कीता। एहूदे अलावा उनें राज्यसभा च जम्मू कश्मीर लेई कयाफा बिल 2024 पेश कीता। लोकसभा नै पिछले हफते दऊं विधेयक पास कीते। इनें बिलें पर चर्चा शुरू करदे होई कांग्रेस दे दिग्विजय सिंह होरें आखेआ जे सरकार दा मकसद अमीरें मे गरीबें बश्कार फर्क गी घट्ट करने पर ध्यान देना होना लोडचदा ऐ। एहूदे अलावा सरकार गी मेंहगाई काबू करने ते रोजगार पैदा करने बक्खी बी ध्यान देना चाहिदा।

<><><><><><>

New Tourist Destinations

केन्द्री संस्कृति ते सैलसफा मंत्री गजेन्द्र शेखावत होरें कल आखेआ जे सैलसफा आली मती सारी थाहरें पर लोकें दा बड़ा मता रश पौने गी दिक्खदे होइ हुन सरकार मुख्य च सैलसफा आली नमीं थाहरां कायम करै करदी ऐ। कल SKICC श्रीनगर च आयोजित भारत दे ट्यूरिस्ट गाईडस फैंडरेशन दे 25में सलाना राष्ट्री सम्मेलन दे बक्ख-बाहरें पत्रकारें कन्नै गल्ल करदे होई शेखावत होरें आखेआ जे लोकप्रिय सैलानी थाहरें पर सैलानिएं दा बड़ा भारी रश दिक्खेआ जा'रदा ऐ ते इस करियै घरेलू ते विदेशी सैलानिएं गी नमीं थाहरें बक्खी आकर्शित कीता जाना मता जरूरी होई गेदा ऐ। उनें सब्बने राज्य सरकारें गी गुजारश कीती जे ओह नमीं सैलानी थाहरां विकसित करने दी प्रक्रिया च सक्रियता कन्नै हिस्सा लैन। उनें आखेआ जे भारत गी दुनिया दी जीह सब्बनें शा बड्डी अर्थबवस्था बनाने च सैलसफा इक बड्डी ताकत साबत होग।

<><><><><><>

CS-Lakes

मुख्य सचिव अटल डुल्लू होरें धरें-माकनें ते शैहरी विकास विभाग दी कल इक बैठक लाइयै डल ते नगीन झीलें दे विकास लेई जारी कम्में च हासल प्रगति दी समीक्षा कीती। उनें सरबंधत अधिकारिएं पर जोर पाया जे ओह डल ते नगीन झीलें दे रक्ख-रखाव ते विकास सरबंधी कम्में च होर तेजी आहन्नेआ जाना जकीनी बनान।

उनें टेंडर सरबंधी कम्में गी नतीजाकुन अंजाम तोड़ी पजाने लेई आखेआ तां जे इनें महत्वपूर्ण कम्में गी तौले शा तौले हत्थै च लेइयै तैह समें अंदर सबूरा बी करोआया जाई सकै। मुख्ख सचिव होरें डल झील च कम्म करने आले लोकें ते हाउस बोट मालकें दिएं मंगें ते चैताएं गी सुनने लेई बी आखेआ।

<><><><><><><>

DGP Swain

केन्द्रीय गृह मंत्रालय नै कल आर.आर.स्वैन होरें गी जम्मू कश्मीर दे डीजीपी दे तौर पर नियुक्त करने दी तसदीक कीती ऐ। 1991 बैच दे आइपीएस अफसर होर इसलै जम्मू कश्मीर दे डीजीपी दा बाद्दू कम्मकाज संभाला'रदे हे। आदेश मजबूब स्वैन होरें गी जम्मू कश्मीर दे डीजीपी दे तौर पर नियुक्त कीता गेआ ऐ, ओह अपना कम्मकाज संभालने आली तरीक थमां सितम्बर 2024 जां फही अगले हुकमै तगर जम्मू कश्मीर दे डीजीपी दे तौरा पर अपनियां सेवां देंगन।

<><><><><><><>

National Handloom Day

हत्थखड्डी सरबंधी मैहकमे आस्सेआ कल 10मां राष्ट्रीय हत्थखड्डी सरबंधी दिवस मनाया गेआ। हैंडलूम जम्मू च असिस्टेंट डरैक्टर रूपाली महाजन होरें इस मौके हत्थखड्डी दे संरक्षण ते उसी बढ़ावा देने दी महत्ता गी उजागर कीता। उनें आखेआ.....

<><><><><><><>

Amarnath Yatra

इस ब'रे श्री अमरनाथ जी दी यात्रा करने आले श्रद्धालुएं दी गिनतरी 5 लक्ख 4 ज्हार 966 तगर जाई पुज्जी ऐ। पिछले ब'रे तकरीबन साढ़े 4 लक्ख श्रद्धालुएं री अमरनाथ जी दी यात्रा कीती ही ते शिवें दे हिमलिंग रूपै दे दर्शन कीते हे। ताई जम्मू दे भगवती नगर आले आधार शिविर थमां इक ज्हार 119 श्रद्धालुएं दा इक होर जत्था घाटी लेई रवाना होआ। एह जत्था 29 गडिडएं दे काफले च सुआर होइयै सख्त सुरक्षा बंदोबस्तें हेठ रवाना होआ ऐ। 52 दिनें तगर चलने आली एह सलाना यात्रा 29 जून गी शुरू होई ही ते 19 अगस्त गी रक्खड़ पुन्नेआ आले दिन सम्पन्न होई जाग।

<><><><><><><>

Budha Amarnath

पुंछ जिले च श्री बुड्डा अमरनाथ जी दी यात्रा दे पैहले जत्थे दा कल पुंछ च जोरदार सुआगत होआ। जिला प्रशासन, बजरंगदल, सनातन धर्म सभा, अखाड़ा कमेटी, सिविल सोसायट ीते मकामी लोकें इस जत्थे दा गर्मजोशी कन्ने सुआगत कीता। एह यात्रा 10 दिनें तगर रौहग। यात्रा दरान ज्हारां बद्धे श्रद्धालु पुंछ औंदे न।

<><><><><><>

Govt. Schools Martyrs

उधमपुर जिले च जारी स्वच्छता पखवाड़ा अभियान तैहत केइं स्कूलें दे नाएं गी ओकड़े दलेर शहीदें दे नां पर रखेआ गोआ ऐ जिनें देसै लेई सर्वोच्च बलिदान दित्ते दा ऐ। इस पैहलकदमी दा मकसद विद्यार्थिएं ते समुदायें अंदर साफ सफाई ते देश-भक्ति दी भावना गी बल देना ऐ। डुडु जोन च छड़ी बंगला आले सरकारी मिडल स्कूल दा नां बदलियै शहीद कांस्टेबल खुशी राम गौरमेंट मिडल स्कूल छड़ी बंगला करी दित्ता गोआ ऐ। बेबे जोन जोन च सरकारी मिडल स्कूल चिगली बेबे दा नां बदलियै शहीद सीनियर ग्रेड कांस्टेबल अब्दुल रशीद गौरमेंट मिडल स्कूल चिगली बेबे कीता गोआ ऐ। चनैनी जोन च सरकारी मिडल स्कूल सेरी घन्टवाल गी हुन शहीद कांस्टेबल अजाद चंद गौरमेंट मिडल स्कूल सेरी घन्टवाल आखेआ जंदा ऐ। इआं गै मजालता जोन च सरकारी मिडल स्कूल बरयालता दा नां हुन शहीद कांस्टेबल रजिन्दर कुमार गौरमेंट मिडल स्कूल बरयालता रखेआ गोइ ऐ। इनें सब्बनें कार्यक्रमें च खरी मती गिनतरी च लोकें ते विद्यार्थिएं हिस्सा लैता।

<><><><><><>

EPMEK Ramban

“एक पेड़ मां के नाम” अभियान तैहत कार्यक्रम दा सरिस्ता रामबन दे जिला प्रशासन आस्सेआ कीता गोआ। एहदा मकसद लोकें गी बूहटें लाने आली मुहिम च शामिल करनाप ऐ। बूहटे लाने आली मुहिम दा सरिस्ता केइं सारी पंचैतें, ब्लाक, सेहत इदारे, स्कूलें ते दफतरे च कीता गोआ। एहूदे तैहत लोकें गी घरती दे बघदे तापमान ते जलवायु बदलाव सरबंधी चुनौतिएं कन्ने निबड़ने दे तौर तरीके ते इस भेठा बूहटे दी महत्ता बारे जागरूक करना ऐ। अर्जे तगर रामबन च 15 सौ बूहअे लाए जाई चुके दे न। इंदे च आमला, नीम, नींबू, चनार ते होर दुए बूहटे शामिल न। इस मौके पर बोलदे होई रामबन दे मुख्क योजना अफसर शकीब अहमद होरें आखेआ.....
.....बाईट

<><><><><><>

Paris Olympic

पैरिस ओलंपिक्स च मजूदा ओलंपिक्स ते विश्व चैंपियन नेज्जा सुट्टने आले खडारी नीरज चोपड़ा अपने खिताब दी रक्षा करने लेई फाइनल च उतरगंन। ओह अज्ज रातीं इक बारी फही इतिहास रची सकदे न। तोआई मर्दे दी हॉकी टीम अज्ज ओलंपिक्स च कैंह दे तगमे लेई स्पेन कन्नै खेडोग।

<><><><><><>

Phogat

विनेश फोगाट नै पैरिस ओलंपिक्स च कुश्ती दे फाइनल मकाबले च भार मता होने कारण कल अयोग्य घोषत कीते जाने मगरा कुश्ती थमां सन्यास लेने दी घोषणा कीती। उनें इक सोशल मीडिया पोस्ट च एह जानकारी दित्ती। विनेश फोगाट होरें गी सुन्ने दे तगमे दे 50 किलोग्राम वर्ग च खेड्डे जाने आले फाइनल मकाबले शा पैहले तकरीबन 100 ग्राम भार मता होने कारण अयोग्य घोषत करी दित्ता गोआ।

<><><><><><>